





本經下品二

商陸

甘遂

狼毒

葶藶

桔梗

夏枯艸

旋覆花

青箱

瓜蒂

羊蹄

藜蘆

射干

扁蓄

雷丸

郁李仁

棟實

蜀椒

皂角

夜明砂

豬懸蹄

豚卵

神農食經

茗



本艸乘雅牛偈

錢唐後學盧之頤子繇父覈叅

本經下品

商陸。氣味辛平。有毒。主水腫疝瘕痺。熨除癰腫。  
殺鬼精物。

覈曰。出咸陽山谷。所在亦有。春生苗。高三四  
尺。莖青赤。極柔脆。枝枝相值。葉葉相當。葉如  
牛舌而長。夏秋白花作朶。亦有赤花者。赤者

根赤。白者根白。白者入藥。赤者見鬼神。甚有  
毒也。根如萊菔。似人形者有神。爾雅謂之遂  
蕒。廣雅謂之馬尾。周易謂之莧陸。修事取白  
花之根。銅刀刮去皮。薄切作片。東流水浸兩  
宿。取出。以黑豆葉重重間隔。入甗蒸之。從午  
至亥。俟冷去豆葉。暴乾。剉用。無豆葉。以黑豆  
代之。

參曰。金音曰商。從外知內。以內知外也。高平

曰陸。四時日月所行之路也。蓋天有四陸。人  
有四街。營衛血氣所行之道也。故主水停爲  
腫。氣痺爲疝。爲瘕。失其嘗陸之。唯內無外。更  
假火力。熨除癰腫之。唯外無內也。若殺鬼精  
物。以金氣道勁。彫落非其類爾。



甘遂。氣味苦寒。有毒。主大腹疝瘕。腹滿。面目浮腫。留飲宿食。破癥堅積聚。利水穀道。

釵曰。出中山山谷。唯太山江東者良。比來用京口者爲勝。江東者稱次矣。苗似澤漆。莖短小而葉有汁。根皮色赤。肉色白。作連珠狀。實重者。方堪入藥。修治。去莖。槐砧上剉細用。生甘艸湯。及薺芫自然汁。攪浸三日。水如黑汁。



乃漉出。用東流水淘六七次。水清爲度。取出  
晒乾。納土器中。熬脆用。瓜蒂爲之使。惡遠志。  
反甘艸。

叅曰。味大苦。而名甘遂者。左氏所謂請受而  
甘心快意焉。以甘于遂其力用也。其爲方也。  
爲大爲急。其爲劑也。爲通爲洩。其屬中土。惟  
其能遂土欲也。故爲癥堅積聚疝瘕。及留飲  
宿食。致無能利水穀道。外溢而成大腹滿脹。

及面目浮腫者皆通之洩之所以從其欲也  
但氣味苦寒偏于以熱爲因寒則非所宜矣





狼毒。氣味辛平。有大毒。主欬逆上氣。破積聚。飲  
食寒熱。水氣。惡瘡。鼠瘦疽蝕。鬼精蠱毒。殺飛鳥  
走獸。

覈曰。出秦亭山谷。及奉高宕昌建平諸處。今  
陝西州郡。及遼石州亦有之。莖葉並似商陸。  
及大黃。莖葉之上。都有白毛。根皮色黃。肉色  
白。形似防葵。沈重者爲貴。但蝮蛇喜食其根。

設所卜非  
其向恐狼  
鳴腸斷矣  
以毒藥攻  
病者願言  
珍重

最爲難得。今人多以艸藺茹僞之。不可不辨。  
大豆爲之使。空醋。惡麥。句薑。畏占斯。蜜陀僧。  
叅曰。取狼爲名者。謂狼善逐也。爾雅翼云。狼  
之將遠逐食。必先倒地。以下所向。故獵師遇  
狼輒喜。蓋狼之所向。卽獸之所在也。故主殺  
飛鳥走獸。并主水穀積聚。而爲欬逆上氣。以  
及寒熱蠱毒。與水穀無以轉輸皮毛。致生惡  
瘡鼠癭疽蝕者。狼毒逐而輸之。此但似狼性

不存諸有  
卽有故而  
隕不害諸  
無卽亦無  
隕也

之貪饕非若狼腸之直而轉出也  
我族類鮮不滅除不存諸有不害諸無。

乘雅

狼毒

月樞閣



本經下品

葶藶。氣味辛寒。無毒。主癥瘕積聚結氣。飲食寒熱。破堅逐邪。通利水道。

覈曰。出藁城平澤田野間。汴東陝西河北州郡亦有之。近以彭城曹州者爲勝。他處者不堪用也。春生苗。葉高六七寸。似薺根而色白。枝莖俱青。三月開花。微黃色。遂結角。列子亭。亭。扁小如黍粒。微長而黃。味苦入頂。微甘者。



狗薺也。月令孟夏靡艸死。注云。狗薺。葶藶之屬是也。一種單莖向上。葉端出角。其實肥大而短。一種葉近根下。作奇生。如芥葉。其角細長者。此皆異種。不可不辨。修事以糯米合置煨上。微焙。俟米熟。去米。搗碎用。榆皮爲之使。得酒良。惡白殭蠶。石龍芮。

叅曰。水止曰亭。行止曰歷。史記云。決河亭水而注之海。蓋以功用爲名。故決瀆水道。誠急。

亭能歷  
歷便非止  
于亭者

方之洩劑也。若氣結爲癥，痕爲積，聚爲飲，食寒熱皆止，固不遷。決而洩之，十劑云洩可去閉。葶藶之屬是矣。





本經下品

桔梗。氣味辛。微溫。有小毒。主胸脇痛如刀刺。腹滿。腸鳴幽幽。驚恐悸氣。

覈曰。出嵩山山谷。及宛甸。今在處有之。二三月生苗。莖如筆管。高尺餘。紫赤色。葉如杏。及人參薺芫輩。但杏葉圓。桔梗葉長。人參葉兩兩相對。桔梗葉三四相對。亦有不對者。薺芫葉下光明。滑澤無毛。桔梗葉下暗澹。有毛爲

異。夏開小花。紫碧色。頗似牽牛花。秋後結實。根外白中黃。有心味苦。若無心味甜者。薺芩也。關中一種。莖細色青。葉小似菊。根黃似蜀葵根者。亦可入藥。又一種木桔梗。根形真相似。只是咬之腥澁不堪啖。不爲藥用。修事去頭上硬尖二三分。并兩畔附枝。槐砧上細剉。用生百合搗膏。投水中浸一伏時。取出。緩火

熬乾。每吉更四兩。用百合二兩五錢。節皮爲

之使畏白及龍膽艸忌豬肉得牡蠣遠志瘧  
恚怒得消石石膏解傷寒其蒼味白粥解之  
但節皮不知爲何物也。

叅曰桔梗如桔槔之梗傾則仆滿則立載上  
載下其馮以樞合入少陽少陰樞藥也雷公  
製以百合此築梗基玉涵佐以甘艸此鍊梗  
已基築已鍊上下乃察也胸脇爲少陽部署  
故主胸脇痛如刀刺若腹滿腸鳴幽幽悸氣。

此上下不察。驚則載上不下。恐則載下不上。皆樞象也。千金用治喉痺咽痛。此則少陰部署。亦少陰樞象耳。



夏枯艸。氣味辛寒。無毒。主寒熱瘰癧鼠瘻。頭瘡。破癥。散瘰。結氣。脚腫濕痺。輕身。

覈曰。出蜀郡川谷。所在亦有。生平澤原野間。冬至後生苗。漸高至一二尺許。莖微方。葉對節生。似旋覆葉而長大。邊有細齒而背白。三四月莖端作穗。長一二寸。穗中開淡紫碎花。似丹參花。結子亦作穗。一穗四子。五月便枯。

宜四月收采。土瓜爲之使。伏汞砂。

參曰。冬至生。夏至枯。具三陽之正體。寒水之正化。故從內達外。自下徹上。以去寒熱氣結。及合濕成痺也。瘰癧曰寒熱病。經云。瘰癧者。皆鼠瘦寒熱毒氣。留于脉而不去也。其本在于藏。其末出于頸腋之間。浮于脉中而未內。與着于肌肉。而外爲膿血者。易去也。治之奈何。請從其本。引其末。可使衰去。而絕其寒熱。

審按其道以予之徐往徐來以去之決其死  
生。反其目視之。中有赤脉上下貫瞳子者。見  
一脉一歲死。見一脉半。歲半死。見二脉。二歲  
死。見二脉半。二歲半死。見三脉。三歲而死。見  
赤脉不下貫瞳子者。可治也。若瘦則但浮于  
脉。癥則但着于藏。脚腫唯下。頭瘡唯上。雖非  
本末。統名寒熱病也。樓全善用治目珠疼。簡  
要濟衆方用治目睛痛。此得靈樞意旨。有赤

脉貫瞳子者相宜。否則涉寒。非對待法也。

具寒水之正化。可從在內之藏本。具三陽之正體。可從在外脉中之支末。療癰曰寒熱病者。以本子藏。其末出于頸腋之間。內外相從。故名寒熱。言鍼法也。

浮脉着藏。唯上唯下。盡寒熱之變。



本經下品

旋覆花。氣味鹹溫。有小毒。主結氣。脇下滿。驚悸。除水。去五藏間寒熱。補中。下氣。

覈曰。所在有之。生平澤川谷。及下濕地。二月生苗。長一二尺。莖柔細。似紅蘭而無刺。葉如大菊。及水蘓蒿艾葦。花亦如菊。六月開黃金。色香亦勝菊。故別名夏菊。盜庚。滴滴金。金錢花也。根細而白。極易繁衍。修事。去蓋并殼皮。

及帶子。蒸之。從巳至午。熬乾用。

叅曰。旋者周旋。旌旗之指麾。覆者伏兵。奉旌旗之指麾者也。故主氣無師帥。則搏結不行。致形層之脇。滿閉從闔矣。若驚惶悸動。卽君主位次。有失奠安。并可定神藏往來之寒熱。與主決瀆水液之向道。設非補中氣司命。安能使諸氣下伏從令乎。顧氣味鹹溫。亦可爲營血之師帥。鹹能走血。溫行經隧故也。

本經下品

青葙。氣味苦。微寒。無毒。主邪氣。皮膚中熱。風瘙身痒。殺三蟲。

覈曰。出江淮州郡。近道亦有之。生平谷道旁。及田野下濕處。二月抽青色苗。漸長至三四尺。莖色青紅若蒿狀。葉濶似柳而軟。六七月生花。上紅下白。作實有角。子黑而扁。大于莧實而光。根似萹荩根而白。直下獨莖生根。襄

人呼爲崑崙艸。近時指雞冠子爲青箱者誤矣。修事先燒鐵杵。乃搗用之。

參曰。青。東方色也。從生從丹。水生火象也。箱。從相。相亦木。相火行也。味苦氣寒。逆從以風爲因。以熱爲證。不能升出。賴宣揚橫徧之令者相宐。顧皮膚部署。正木火。升出授受之境耳。故主皮膚中。標見邪熱。熱氣爲因證。而作風瘙身痒。及伏匿身中。而作三虫。與痔蝕。蠱



痛者皆木不授火反乘脾土致外見唇口青色者亦相宜也。然則青箱功力形氣咸調。參合諸家附列形證自得之矣。

不曰皮膚間而曰皮膚中。卽此可見木火授受之地。

木生火象。木相火行。內經所謂神轉不迴。乃得其机。言四時之序。順行之道也。如木不授火。反乘脾土。卽所謂迴則不轉。乃失其机。言四時之序。逆行之次也。而授受之机。真莫之爲而爲。莫之致而至。



本經下品

瓜蒂。氣味苦寒。有毒。主大水。身面四肢浮腫。下水。殺蠱毒。欬逆上氣。及食諸果病在胸腹中。皆吐下之。

覈曰。所在有之。生嵩高平澤間。卽甜瓜之蒂也。三月下種。延蔓而生。葉大數寸。五六月開花。黃色。六七月瓜熟。有圓。有長。有尖。有扁。大或徑尺。小或一捻。或有稜。或無稜。其色或青。

或綠。或黃而斑。或糝而斑。或白路。或黃路。其  
瓢。或白。或紅。其子。或黃。或赤。或白。或黑。農書  
云。瓜品甚多。不可枚舉。以狀得名者。有龍肝。  
虎掌。兔頭。狸首。羊髓。蜜筒之稱。以色得名者。  
有烏瓜。白團。黃瓢。白瓢。小青。大班之別。然其  
味不出乎濃淡甘香而已。廣志云。惟以遼東  
燉煌。廬江之瓜爲勝。然瓜州之大瓜。揚州之  
御瓜。西蜀之溫瓜。永嘉之寒瓜。未可以優劣



論也。甘肅甜瓜皮瓤皆甘。甘勝糖蜜。甜瓜皮  
暴乾。猶甘美可口。浙中一種陰瓜。種植陰處。  
熟則色黃如金。膚皮稍厚。藏至來春。食之如  
新。此皆種藝之巧。不必拘以土地也。修事勿  
用白瓜蒂。取青綠色瓜。氣足時。其蒂自落在  
蔓上者。采得。繫屋東角。有風處。吹乾用。

叅曰。瓜象形。象實在鬚蔓間也。當曰蒂。蒂瓜  
之綴蔓處也。性偏延蔓。末繁于本。故少延。輒

腐。爾雅云。其紹𦉰。疏云。繼本曰紹。形小曰𦉰。故近本之瓜嘗小。近末之瓜轉大也。凡實之吮抽水液。唯瓜稱最。而吮抽之樞。抵當唯蒂而已。是以蒂具徹下炎上之用。故蒂味苦而瓜本甘。以見中樞之別于上下內外。誠湧洩之宣劑通劑也。故主大水在胸腹中。外溢而爲身面四肢浮腫。或蠱毒。或欬逆上氣。或食諸果病在胸腹中者。皆可勇而吐之。曳而下

故湧洩咸宜。經云。酸苦湧洩爲陰。故其氣寒。其味苦。

世知瓜蒂作吐劑。不知瓜蒂作下劑。以吐劑中有瓜蒂散。下劑中方書少有用瓜蒂者。遂致減却洩下功力。亦并將洩字訓作上洩之湧。轉展傳訛。而諸書引用洩字者。亦無暇分別矣。





本經下品

羊蹄。氣味苦寒。無毒。主禿瘡疥癩。除熱。女子陰蝕。

覈曰。出陳留川澤。所在亦有。秋深始生。凌冬不死。春生苗。高三四尺。莖節紫赤。葉長尺許。狀如牛舌。及萵苣葉而青碧。入夏起臺。花青白。成穗結實。有三稜。夏至而枯。根長近尺。赤黃色。似大黃。及牛旁。胡蘿蔔輩。



叅曰。秋分始生。夏至乃枯。以降入爲升出。升  
出爲降入者也。具兌金麗澤之用。故名羊。卽  
以形似表功力也。廣八卦云。兌爲羊。爲毀折。  
爲附決。所謂商兌未寧。介疾有喜者也。味苦  
氣寒。故主火熱。刑金。爲疥癢。禿瘡。女子陰蝕。  
經云。痛痒瘡瘍。皆屬心火。浸淫肺金。形藏故  
爾。

本經下品

藜蘆。氣味辛寒。有毒。主蠱毒欬逆。洩利腸澼。頭  
瘍疥瘙惡瘡。殺諸蟲毒。去死肌。

覈曰。出太山山谷。高山者乃佳。今陝西遼州  
均州解州亦有之。四月生苗。高五六寸。莖似  
葱白。色青紫。多毛。外有黑皮。裹莖。宛似櫻櫚。  
故初生之葉。亦若櫻心。經久漸放。與鬱金秦  
艸。蘘荷等葉相類也。六七月開花。肉紅色。立

冬便凋。根似龍膽。及馬腸。根長四五寸。一本  
二三十科。若百餘科者。水藜蘆也。水藜蘆生  
近水溪澗石上。莖葉都相同。獨不爲藥用。修  
事。去頭。用糯米泔汁煮之。從巳至未。晒乾用。  
黃連爲之使。反細辛芍藥人參沙參紫參苦  
參。惡大黃。

先人云。辛生在夏。猶金生在巳也。故入肺及  
大腸。而治欬逆腸澼。蓋腸澼雖屬下焦。其因

華屬上焦  
亦是一法

有于上焦與肺受火鬱者用此辛散可使上焦開發宣五穀味則心肺之陽自舒腸澀之痰自愈矣。

參曰藜莢屬亦利器也蘆葦屬亦食器也然其形兩相似矣合入太陰肺陽明大腸以互相循屬盤絡而為雌雄府藏者也故主肺為是動則病欬迎之藏氣與肺為所生則病頭瘍疥瘙惡瘡死肌之藏形若洩利腸澀蠱毒



蟲毒。此病大腸府氣之與形也。氣味辛寒。施之風熱。頗相宐耳。

手太陰肺藏之經脈。下絡大腸。上膈。屬肺。手陽明大腸府之經脈。絡肺。下膈。屬大腸。彼此互相盤絡。以爲府藏雌雄。內外表裏。則手與手爲府藏之雌雄。足與足爲府藏之雌雄。非其府藏雌雄。則彼此不相盤絡。人多習而不察。竟不知手足府藏雌雄之故。



本經下品

射干。氣味苦平。無毒。主欬逆上氣。喉痺咽痛。不得消息。散結氣。腹中邪逆。食飲大熱。

覈曰。出南陽山谷。及田野間。今在處皆有。園圃庭臺多種之。冬至後宿根生芽。至二三月始抽苗。高二三尺。近根之莖。有節若竹。離根三四寸。橫鋪翠葉。狹長疎整。宛如翅羽。故名烏嬰。又名鳳翼。六七月葉中抽莖。似萱而強。

硬。出淡紅萼。開紅赭花。亦有蜜色者。瓣有細  
文。間黃紫黑斑點。次蚤互相交紐如結。結落  
作房。中子黑褐。另有一種名鳶尾者。葉潤而  
短。根密而稠。花小者。卽蝴蝶艸。花大色紫者。  
卽紫羅襪。俱春末作花。與射干迥別也。修事。  
以米泔水浸一宿。取出。再同箠竹葉煮之。從  
午至亥。日乾用。

叅曰。冬至射干生。爲陽氣始生。律名射出也。

藥對云。立春射干木蘭先生。爲此胡半夏使  
合入足少陰少陽樞機之氣分藥也。故主欬  
逆上氣。喉痺咽痛。及不得消息。此少陰不能  
轉闔與開也。主結氣腹中邪逆。及食飲大熱。  
此少陽不能轉開與闔也。但氣味苦平。君相  
二火爲化者。莫不相宐。以苦待化。以平從樞  
故也。

立春射干先生爲此胡半夏使。謂此胡生  
當冬半。半夏生當夏半。咸從樞象。以從其

類。但射于爲始生之首。易于興起而爲介  
紹。少陰樞化曰君火。少陽樞化曰相火。平固  
從樞。苦則待化。



本經下品

扁蓄。氣味苦平。無毒。主浸淫疥瘙疽痔。殺三蟲。  
覈曰。出東萊山谷。所在有之。春仲蔓延布地。  
好生道旁。苗似瞿麥。弱莖促節。節紫赤似釵  
股。葉細綠似篁竹。節間出花甚細。微青黃。或  
淡紅色。似蓼藍花狀。遂結細實。根似蒿。爾雅  
所謂王芻也。

叅曰。景福殿賦云。爰有禁扁。徐云。門戶封署



也。以所治形證詮名耳。蓋八萬四千毛孔。孔  
孔應開闔爲門戶。如浸淫疥癩諸形證。此毛  
孔唯封。扁蓄引蔓促節節節開化。若封而闕  
闕而封。雖象形從治法。亦象形對待法也。

火熱刑金。成浸淫疥癩者相宜。若痘疹癩  
癩。隱顯欲出者。與毛孔閉實。欲揚液爲汗  
者亦宜。但氣味苦平。施之嚴寒爲本氣者。  
功力少遜。若病反其本。得標之陽。或已成  
則爲病熱。表邪尚未入裏。仍欲從樞解散  
者。爲効頗速。

本經下品

雷丸。氣味苦寒。有小毒。主殺三虫。逐毒氣。胃中熱。利丈夫。不利女子。

覈曰。出石城山谷。及漢中。建平。宜都。房州。金州諸處。生竹林土中。乃竹之餘氣。零落所成也。無苗蔓。不相連。狀如粟。又如猪苓而圓。皮黑肉白。甚堅實。修事。用甘艸水浸一宿。取出。蒸之。從巳至未。日乾。酒拌潤。再蒸之。日乾用。

荔實。厚朴。蒿根。芫花爲之使。惡葛根。

叅曰。雷丸。竹苓也。具節候之靈氣。零落復震。故名雷丸。蓋雷之發聲。物無不同時而應。故與三虫毒氣嚮晦者反。其味苦。其氣寒。對待胃熱爲因。諸熱若伏若匿者。亦相宜矣。利丈夫。不利女子者。震爲雷。長男也。所謂方以類聚。物以羣分。剛柔斷而吉凶生矣。

凡物有質成。有氣結。如茯苓之本乎松。雷丸之因乎竹是也。木之耐歲寒。實而堅。多

冬生。虛而簪篋色者唯竹。象切震雷。故轉  
丸名之。其氣類所感。一靜一動。一秉大夫  
貞潔之操。一展君子奮揚之力。其功用各  
有致也。





本經下品

郁李仁。氣味酸平。無毒。主大腹水腫。頭面四肢浮腫。利小便水道。

覈曰。郁李。卽棠棣。詩云。唐棣。嘗棣。山海經作栳。所在有之。樹高六七尺。花葉枝幹並似李。惟子小若櫻桃。味甘酸。臭香而少瀋。一種赤郁李。葉如刺榆。其子正赤而小。五月始熟。關西天水隴西多有之。汴。維一種。枝莖作長條。

花極繁密而多葉。亦謂之郁李。不堪入藥也。修事。湯浸去皮尖。用生蜜浸一宿。取出陰乾。研如膏用。

叅曰。郁李花極繁。文之盛者似之。其香頗醜。故芬芳之氣。通稱馥郁也。凡木之華。既開不闔。此獨不然。詩云。唐棣之華。偏其反而。反而從闔也。又嘗棣之華。鄂不韡韡。鄂萼不附也。

萼附相承。最相親爾。故又曰。彼爾維何。維嘗

之華。其義見矣。詩疏云。唐棣。萸李也。一名雀梅。一名夫移。又云。車下李。其葉或赤或白。六月中熟。大如李子。花品序云。雒陽人不甚惜。謂之果子華。大略俗情以少貴。不足較也。

郁李味酸氣平。其華反而後闔。此闔用仍開。呈開仍闔之象也。當入厥陰肝。蓋肝主疎泄。前後陰。如失疎泄。則闔用之開機廢。以致水腫大腹。及面目四肢浮腫。郁李功利水道小。

便。使。闔。用。呈。開。則。疎。泄。仍。如。令。矣。



本經下品

棟實。氣味苦寒。有小毒。主溫病。傷寒大熱。煩狂。殺三蟲。疥瘍。利小便水道。

覈曰。出荆山山谷。及蜀中。所在有之。蜀中者勝。木高數丈。向長甚速。葉密如槐而長。三四  
月。開花紅紫色。芬芳滿境。實如金丸。生青熟  
黃。葉可浣衣。蛟龍畏之。獬豸食之。修治熬乾。  
酒拌令透。蒸之。俟實皮軟。去皮取肉。凡使核



不使肉。使肉不使核。如使核槌碎。漿水煮一  
伏時。晒乾用。

叅曰。棟可浣衣。具清肅之金用。氣寒味苦。具  
澄湛之水體。獬豸食之。火獸也。喜其潔。蛟龍  
畏之。木蟲也。激其怒。怒則飛雲弄雨。以消溽  
暑。此其功力。如三蟲疝瘕。從蟄伏中。激之殺  
之。反其性耳。

本經下品

蜀椒。氣味辛溫。有毒。主邪氣欬逆。溫中。逐骨節  
皮膚死肌。寒熱痺痛。下氣。久服頭不白。輕身增  
年。

覈曰。出武都山谷。及巴郡。近以全州西域者  
稱最。江陽及晉康建平者次之。木高五六尺  
似茱萸而小。有針刺。葉堅滑。無花結實。但生  
于枝葉間。顆如小豆而圓。實子光黑。宛如人

瞳。謂之椒目。八月采實。肉肥皮皺。氣味濃厚。芳烈也。修事去目及閉口者。好酒拌潤。蒸之。從巳至午。以盆覆蓋。俟冷無氣。乃可取出。卽入磁器中封固。無傷風也。杏仁爲之使。得鹽味佳。畏欵冬花。防風。附子。雄黃。可收水銀。有中椒毒者。涼水麻仁漿水解之。

參曰。色香氣味。精勝在膚。獨無花而實。所含蓄力。幽且深矣。故主溫中。自下而上。從內而

外宣達橫徧者也對待寒中致令形氣受病也。氣則欬逆上氣之因邪薄。形則骨節肌膚之因痺閉。久服形氣咸調。故頭不白。輕身增年耳。





本經下品

皂莢。氣味辛鹹溫。有小毒。主風痺死肌邪氣。風頭淚出。利九竅。殺精物。

藪曰。出雍州山谷。及魯鄒縣。近以懷孟者爲勝。所在有之。樹極高大。葉似槐。瘦長而尖。枝間多刺。夏作細花。黃色。結實有三種。一種短小。形似猪牙。一種長大。肥厚多脂而粘手。一種細長。瘦薄。枯燥而不粘手。入藥肥厚多脂。

者佳。但樹多叢刺。難于採取。用竹篾纏樹本。其莢過夜盡落。亦一異也。有不結實者。將樹本鑿一大孔。入生鐵三五斤。遂用泥封孔口。次年卽結實。且倍往昔。有人以鐵砧槌皂莢。砧卽自損。或以鐵碾之。碾卽成孔。或以鐵鍋爨之。鍋卽暴片自落。豈皂莢與鐵。有感召之情耶。修事。取赤色脂厚不蛀者。新汲水浸一宿。銅刀刮去粗皮。用乳酥反復炙透。槌去子。

弦。每莢一兩。用酥五錢。柏實爲之使。惡麥門冬。畏空青。人參。苦參。

參曰。皂水色。鹹水味。當爲五木之水矣。灌鐵水中。皂莢始茂。不爲金所刑。轉以鐵爲生者。卽母令子實。通成生化。木藉金爲用也。獨辛金味勝。故主風痺死肌。風頭淚出。以辛瀉之。瀉之者瀉外身之外風也。亦以辛補之。補之者補內身之風大也。若竅閉卽風大不及精。

物卽外風太過。咸可補之。瀉之。顧補瀉在病  
主之苦欲。隨病主之苦欲。因名藥物之補瀉  
耳。



本經下品

夜明砂。氣味鹹平。無毒。主目瞑癢痛。明目。夜視有精光。久服令人喜樂媚好無憂。

覈曰。夜明砂。伏翼糞也。伏翼形似鼠。灰黑色。脇間肉翅。連合四足及尾。伏則倒懸。食則蚊蚋。多處深山崖穴中。及僻暗處。乃鼯鼠與鼠所化。而復轉化魁蛤。冬蟄夏出。日伏夜翼。避庚申日。一種食鍾乳者。壽千歲。純白如雪。首



有冠。大如鳩鵲。此品所遺之糞。功力殊勝。修  
事。先以大眼篩。篩過數次。次用水澄去沙土。  
入苧布囊內。溪水中提濯。約減十之七。易細  
苧囊再濯。每斗可兩許。光芒煥耀。質圓成粒  
者乃佳。扁薄者。蚊蚋膚也。若得食鍾乳者。亦  
如前法。取光明如寶珠者最佳。用緩火隔紙  
焙燥。研極細。入藥。莧實雲實爲之使。

叅曰。玄暉不夜。因名夜明。以蚊蚋爲食。蚊蚋

伏翼。夏出冬蟄。順時序爲浮沈。夜翼晝伏。互晝夜爲吸呼。伏則倒懸。具陰陽顛倒之象耳。食石鍾乳者。朱冠雪體。卽肉芝類。故功用與鍾乳六芝等。芝以夏現。乳以夏溢。化相感性相近也。

唯能順時序爲浮沉者。乃得互呼吸之出入。入入出。與會陰陽之陽陰陰陽。方成顛倒顛。

倒顛



本經下品

豬懸蹄甲。氣味鹹平。無毒。主五痔。伏熱在腹中。腸癰內蝕。

覈曰。前後四足。各有懸蹄。懸蹄之甲。尖而小。踐蹄之甲。大而圓。修事。酒浸半日。柳木火炙。鬆脆用。

叅曰。觀豕蹄之黑白。見豕性之躁甚。黑固躁。白尤躁之甚者。則知豕力在蹄。精專在甲矣。



懸蹄甲者。豕蹄似鹿而爪四。二踐地。二上懸。上懸之甲。懸蹄甲也。有以左蹄後蹄爲懸蹄甲者。謬矣。蓋豕行不舉足而曳踵。象水性之趨下爲水畜也。四足皆垂。未見左後懸者。玉藻云。圈豚行不舉足。齊如流。端行頤雷如矢。弁行剡剡起屨。執圭玉。舉前曳踵。縮縮如也。埤雅云。畜養之閑曰圈。豕子曰豚。端讀端弁之端。弁讀弁冕之弁。則行不舉足。齊如流。冕



行之容也。願雷如矢端行之容也。剡剡起履  
弁行之容也。禮之以物以服。記其行容者。互  
相挾也。是故水畜性偏趨下。對待伏熱之在  
腹中。爲腸癰。爲內蝕。爲五痔。經云。熱氣所聚。  
則爲癰膿。必擇精專之所在。乃得內外敵應  
爾。



豚卵。氣味甘溫。無毒。主驚癇癩疾。鬼疰蠱毒。除寒熱。賁豚。五癰。邪氣。攣縮。

覈曰。豚卵。牡豬之卵子也。小豬多捨去卵。故曰豚卵。陰乾藏之。勿令敗。

叅曰。豚。豕子。豕。總名。易繫坎爲豕。性趨下。故俯首喜卑穢。天將雨。則進涉水波爲水畜也。詩云。有豕白蹄。烝涉波矣。月離于畢。俾滂沱。

矣。爾雅翼云。白躡者彘。彘。豕之躁者。豕進而  
涉水波。白躡尤其躁進者。故先進焉。然則純  
黑者。豕之少馴者矣。說文云。十二子亥爲豕。  
故亥象豕形。以一陰生于午。至亥而六陰備。  
謂其嫌于無陽也。是以彘之在物以從豕。在  
氣以從亥。其應水也。爲能充其類焉。牝曰豨。  
曰彘。詩云。一發五豨。牡曰豨。曰豨。詩云。一發  
五豨。禮云。釁之以豨豚。然則豚卵。卽豨豚卵。

囊之卵。殺豚去卵。斯外肉內好。否則顛亂眇  
羣。一名豚顛者以此。世棄勿用。指豕子之豚  
兒。膀胱之脬胞。兩腎之腰子。外腎之陰莖。爲  
豚卵者謬矣。卵者陰器。厥陰經脉之所聚。抵  
小腹。繫舌本。正腎水之宮位耳。設腎躁。則從  
流而上。協厥陰。厥逆而衝心。病名曰賁豚。賁  
豚者。腎之積。肝之逆也。甚則重陰者癩。畚陰  
者癩。陰陽厥者寒熱。或腎不司陰竅。肝不洩



前陰者五癢。或失主潤宗筋而攣。失主利關  
機而縮。咸屬腎肝先爲是動而後所生。猶未  
離其類者以輔之。其唯豚卵乎。